



Selasa, 12 Januari 2021

Ogen: Masmur 139 : 13-18



Pengajaran I Bas Bertin Nari



From *wom to tom*, pengajaren ibenaken i bas bertin nari seh ku bas kematen. Menaken anak lit i bas bertinta enggo banci ipeseh pengajaren kerna hubungenta ras ia, bagepe hubungenta ras ia ku Dibata, arah rende ras ertoto man Dibata. Banci kita rende janah sitagang beltekta, bahanlah pusuhta ermeriah ukur gelah ia pe ermeriah ukur i bas bertinta. Alokenlah ia, si sangana berkembang i bas bertinta gelah pertumbuhan ras perkembangenna sikap. Sehatlah ia i bas kekelengenta sedekah ia i bas bertinta. Kujapape kita kataken man bana sanga erkai kita i je, tetaplah bangun komunikasinta ras anakta si sangana i bas bertinta gelah hubungenta tetap lit.

Daud nggejapken pendahin Dibata i bas dirina benaken kin ia bas bertin nandena nari. Nina Daud, Kam sinjadien tep-tep bagin i bas badanku, ibentukNdu aku i bas bertin nandeku. Anemgia Daud sekalak dilaki tapi banci igejapkenna kuasa Tuhan erdahin i bas bertin nandena. Emaka tetap ia muji kinirejinen Tuhan si la iangkaNa tapi banci gejapkenna uga hebatna. Nina pемasmur, tupung tulan tulanku ijadien, alu megermet isusun i bas bertin nandeku, asum reh belinna aku, i je ise pe la metehsa, tapi Tuhan ngidah ras meteh maka rasa lalap reh belinna. Ope denga aku tubuh pe enggo itandaiNdu aku, kerina wari wariku enggo isuratkenNdu i bas kitabNdu, ope denga wari wari geluhku ibenaken pe.

Bagem bagesna penandai Pемasmur Tuhan ras kemahakuasanNa. Pengajaren e enggo leben ialokenna bas nandena tupung bas bertin nari. Bagemepe pe kita selaku nande tetaplah sehken pengajaren man anak-anakta menaken i bas bertin nari.